

Je vous bailleray Vn esclat  
Cent escutz dedans Vn sac  
Doyz mettre Vn moins par saint Claude  
Laissez vous & vous verrez rage  
le pauvre

Ha par saint iehan ie feray rage  
Je ne feray plus saueter  
Je hanteray fort le gibier  
Ha iauray auourd'huy argent  
Je boys a lesglise diligemment  
Sans plus seiourner au surplus  
O Dieu qui donne les escus  
A ce riche si largement  
Donne men cent tout content  
Et ie te iure sur mon ame  
A toy & a nostre dame  
Que ce me les donne de bon cuer  
Je vous feray tousiours honneur  
Toutes les foyz que vous verray  
le riche Derriere lauskel  
Demande ie te octroyray  
Mais que ce soit iuste demande  
le pauvre.

Or ca doncques ie vous demande  
De bon cuer le pauvre drouet  
A qui vous dontez sil vous plaist  
Vn cent escus tant seulement  
le riche.

Neñ Vouzdoyz tu point moins de cent  
le pauvre

Nenny par ma foy cest le cas le riche.  
Tu auras soyante ducatz  
le pauvre.

Par saint sire ie nen veuil nulz  
Car ie veuil auoir des escutz  
De ducatz ie nay point denuie  
le riche.

Tu en auras quatre vingtz & dix  
De bons & de fermes en Vn tas  
le pauvre

Beau sire ymaginez le cas  
Et que vous fussiez deuenu  
Comme moy pauvre tout nud  
Et que ie fusse dieu pour tout veoir  
Vous les Voudriez bien auoir  
Cela est pieca tout commun le riche.  
En voyla cent il sen faut Vn  
Pren les ou laisse se tu veus  
le pauvre.

Or ca nen aurayie donc plus  
Vous me faictes Vn grant forfait  
Les prendrayie donc en effect  
Duy on ne scet qui Va ne qui vient  
Puis y a Vn point qui me tient  
Que men pourtoye bien repentie  
Pourtant les me faut recuillie